



Juovlaráfi!

”Gudni lehkos lpmilii allagasas ja ráfi eatnama alde olbmuid geaid lpmil ráhkista”, celke engelat juovlaevangeliumas. Engeliid almmuhus bođii vuosttas juovllaidge ráfehis máilbmái. Maiddá dalle ráđđejedje vuostálasvuolta, soađit ja dáistaleamit.

Vaikke statistihkaid mielde soađit máilmmis leat dán jahkečuodis geahppánan go veardida 1900 lohku, de lea váidalahtti, ahte dáidge juovllaid vuorddedettiin olu olbmot gártet ballat heakkaset beales soađi hirpmaid siste. Earenoamážit jurddašan Etiopia siviilaid birra ja rohkadalan sin bealis, go sisriikkasoahti doppe orru jođánit šaddamin vearrábun ja vearrábun.

Vaikke beassat Suomas eallit ráfi dilis, de vásihit mángasat servodatdili iežamet riikkasge ráfeheapmin. Lean iešge fuolas servodaga háleštanvuogi vearráneamis. Sosiálalaš media háleštanbáikkiin orru muhtimin ráfi leamen guhkin eret. Vare dohkoge, gos earát dáhtulassii áddejuvvojit boastot ja čuoladuvvo sátnemihiin, luoitádivččii ráfi ja buorre dáhttu.

Vai ráfi lassánivččii, de dárbbášuvvojit lasi ráfi dahkkit, ráfi duddjojeaddjit. Du lagašbirrasis, ruovttus, skuvllas, bargosajiin sáhtát don leat ráfidahkkin boahttevaš juovllaid. Ráfi lagašbirrasis duddjojuvvo unna áššážiin ja sániin. Giitu ja ándagassii leat dehálepmos ráfisánit olbmuid gaskavuodain.

Doppe gos juovllaid mánná Jesus lea guovddážis, doppe duddjojuvvo ráfi. Ii Jesus duššiid dihte gohčoduvvon ráfi gonagassan. Jesus sáhtá nuppástuhttit olmo váimmu ja buktit dohko ráfi. Dat ráfi ii leat dušše ráfálaš miella dahje ráfálaš dilli, muhto dat lea juoga, mii lea olu čiekŋaleabbo. Dat lea ráfi, maid lpmila ráhkisvuolta buktá mielddis.

Jesus, ráfi gonagas buressivdnidehkos du juovllaid.

Oulus ovdalaš adveatta 2021

Jukka Kesitalo
Oulu bismagotti bisma